

ԱՐՁԱՆԱԳՐՈՒԹՅՈՒՆ N 1

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ԽՈՐՀՐԴԻ 2016 ԹՎԱԿԱՆԻ ՓԵՏՐՎԱՐԻ 18-Ի ՆԻՍՏԻ

Մասնակցությամբ՝

ՀՀ ՏԿԱԻ նախարարության վարչական
հսկողության բաժնի մասնագետ

Ա.Մարտիրոսյանի

ՀՀ Արմավիրի մարզպետի տեղակալներ՝

Լ.Մուրադյանի
Դ.Սամսոնյանի
Մ.Քարտաշյանի

ՀՀ Արմավիրի մարզպետարանի աշխատակազմի
ղեկավար՝

Փ.Կարապետյանի

ՀՀ Արմավիրի մարզի դատախազ

Ա.Սիմոնյանի

ՀՀ Ոստիկանության Արմավիրի մարզային
վարչության պետ

Ա.Այվազյանի

ՀՀ հանրապետական գործադիր մարմինների տարածքային
ծառայությունների ղեկավարների

ՀՀ Արմավիրի մարզպետարանի ենթակայության
առողջապահական կազմակերպությունների ղեկավարների

ՀՀ Արմավիրի մարզպետարանի աշխատակազմի
կառուցվածքային ստորաբաժանումների ղեկավարների

Լրատվամիջոցների ներկայացուցիչների

Օ Ր Ա Կ Ա Ր Գ ՈՒ Մ ՝

**1.Հայաստանի Հանրապետության Արմավիրի մարզի խորհրդի 2016թվականի
փետրվարի 18-ի նիստի օրակարգը հաստատվելու մասին**

/Ա. Ղահրամանյան- ՀՀ Արմավիրի մարզպետ/

**2.Հայաստանի Հանրապետության Արմավիրի մարզպետի 2015թվականի
գործունեության և մարզի սոցիալ-տնտեսական վիճակի մասին:**

/Ա. Ղահրամանյան-ՀՀ
Արմավիրի մարզպետ/

3. Գարնան գյուղատնտեսական նախապատրաստական աշխատանքների մասին

/Ա.Այվազյան - ՀՀ Արմավիրի մարզպետարանի շխտակազմի
գյուղատնտեսության և
բնապահպանության վարչության պետ/

4. Հայաստանի Հանրապետության Արմավիրի մարզի համայնքներում կատարվող աղբահանության աշխատանքների մասին

/Ա.Այվազյան - ՀՀ Արմավիրի մարզպետարանի շխտակազմի
գյուղատնտեսության և
բնապահպանության վարչության պետ/

Օրակարգային առաջին հարցի կապակցությամբ ՀՀ Արմավիրի մարզպետ Ա.Ղահրամանյանը մարզի խորհրդի նիստի մասնակիցների հաստատմանը ներկայացրեց Հայաստանի Հանրապետության Արմավիրի մարզի խորհրդի 2016 թվականի փետրվարի 18-ի նիստի օրակարգը:

Ղեկավարվելով Հայաստանի Հանրապետության Նախագահի 1997 թվականի մայիսի 6-ի ՆՀ -728 հրամանագրի 1.10 –րդ կետի 13-րդ պարբերությամբ՝

Հայաստանի Հանրապետության Արմավիրի մարզի խորհուրդը որոշում է՝

Հաստատել Հայաստանի Հանրապետության Արմավիրի մարզպետի սահմանած Հայաստանի Հանրապետության Արմավիրի մարզի խորհրդի 2016 թվականի փետրվարի 18-ի նիստի օրակարգը:

Օրակարգային երկրորդ հարցով ՀՀ Արմավիրի մարզպետ Ա.Ղահրամանյանը հանդես եկավ իր 2015 թվականի գործունեության և մարզի սոցիալ-տնտեսական վիճակի մասին հաշվետվությամբ: /հաշվետվությունը կցվում է/:

Մարզպետ Ա.Ղահրամանյանը մասնավորապես անդրադարձավ մարզպետարանի գործունեության կազմակերպման ընդհանուր հարցերին՝ ներկայացնելով տարածքային կառավարման, տեղական ինքնակառավարման և համայնքային ծառայության, հանրապետական գործադիր մարմինների տարածքային ստորաբաժանումների գործունեության, ֆինանսական, արդյունաբերության, քաղաքաշինության, բնակարանային և կոմունալ տնտեսության, տրանսպորտի և ճանապարհաշինության, գյուղատնտեսության և բնապահպանության, հողաշինության և հողօգտագործման, առողջապահության և սոցիալական ապահովության, ընդհանրի, կանանց և երեխաների իրավունքների պաշտպանության. կրթության, մշակույթի և սպորտի, արտաքին կապերի և տեղեկատվության բնագավառներում իրականացրած աշխատանքները:

Իր խոսքում մարզպետն ընդգծեց, որ 2015 թվականի ընթացքում Արմավիրի մարզում քաղաքական, սոցիալ-տնտեսական իրավիճակը եղել է կայուն: Ըստ նրա՝ ոլորտային ձեռքբերումներն ու հաջողությունները հնարավոր է եղել ապահովել բոլոր պետական կառույցների, տեղական, միջազգային և հասարակական կազմակերպությունների, ԶԼՄ-ների հետ սերտ համագործակցության, ինչպես նաև Հայաստանի Հանրապետության Նախագահի, վարչապետի, նախարարների և այլ գերատեսչությունների ղեկավարների մարզ կարարած այցելությունների և տրված հանձնարարականների արդյունքում: Ամփոփելով զեկույցը մարզպետը նշեց, որ բոլոր բարձրացված հարցերն ու ներկայացված ծրագրերը ներառվել է 2015-2018 միջնաժամկետի ծրագրում:

Մարզպետն անդրադարձավ նաև մարզում սեփական եկամուտների հավաքագրման գործընթացին, փաստելով, որ մի շարք համայնքներ, ինչպիսիք են ք. Վաղարշապատ /Էջմիածին/, ք. Մեծամոր. Տարոնիկ, Զրարբի, Եղեգնուտ ունեցել են շատ բարձր ցուցանիշներ, իր գոհունակությունը հայտնելով, վերը նշված համայնքների ղեկավարներին՝ գերազանց աշխատանքի համար: Այնուհետև մարզպետն անդրադարձավ 80% -ից ցածր հավաքագրումներ ապահովված համայնքների ղեկավարներին՝ Այգեշատ/Էջմ/, Առատաշեն, Արտիմետ, Ծաղկալանջ, Արևիկ, Նոր Արմավիր, Շենավան, Տանձուտ, Արևադաշտ, Վարդանաշեն, ինչպես նաև 50%-ից ցածր հավաքագրումներ ապահովված համայնքների ղեկավարներին՝ Ամասիա, Նալբանդյան, Զրաշեն:

Անդրադառնալով վերը նշված տեղեկատվությանը, մարզպետ Ա. Ղահրամանյանը անընդունելի համարելով նման իրավիճակը առաջարկեց առաջին եռամսյակի ընթացքում կարգավորել նախորդ տարվա ցուցանիշները և ամենայն պարասխանաբար մոտենալ սեփական եկամուտների հավաքագրման գործընթացին:

Օրակարգային երկրորդ հարցի կապակցությամբ՝ գարնան գյուղատնտեսական աշխատանքների նախապատրաստման ընթացքի մասին զեկույցմամբ հանդես եկավ ՀՀ Արմավիրի մարզպետարանի աշխատակազմի գյուղատնտեսության և բնապահպանության վարչության պետ Արթուր Այվազյանը՝ շեշտելով, որ գարնան նախապատրաստական աշխատանքները մարզպետարանը, մարզի համայնքները, ջրօգտագործողների ընկերությունները և տնտեսվարող գյուղացիական, գյուղացիական կոլեկտիվ տնտեսությունները և ֆերմերները սկսել են դեռևս 2015 թվականի նոյեմբեր-

դեկտեմբեր ամիսներից՝ մարզի զարգացման գերակա ուղղությունները և առաջնահերթ խնդիրները որոշելով և դրանք լուծելու համապատասխան ծրագրեր մշակելով: Ա. Այվազյանը կարևորելով մարզում գյուղատնտեսական աշխատանքների նախապատրաստման շարքում ոռոգման համակարգերի մաքրման և վերանորոգման աշխատանքների իրականացումը՝ նա առաջարկեց ոռոգման համակարգը սպասարկողներին և ջրօգտագործողներին առավել կազմակերպված և բարեխղճորեն կատարելու համակարգի կառուցման, մաքրման և վերանորոգման աշխատանքները, որպեսզի հնարավոր լինի արդյունավետ օգտագործել ոռոգման ջուրը և կորուստները հասցվեն մինիմումի: Նա նշեց նաև, որ առաջիկա 10 օրերի ընթացքում մարզպետարանի համապատասխան հանձնաժողովի կողմից կուսումնասիրվի համակարգում տիրող իրավիճակը և միջոցառումների համապատասխան ծրագիր կկազմվի: Անդրադառնալով գյուղմթերքների արտադրությանը՝ գյուղատնտեսության և բնապահպանության վարչության պետը տեղեկացրեց, որ 2016 թվականին մարզի գյուղացիական տնտեսությունները կարող են զբաղվել լուլիկի մեծաքանակ արտադրությամբ, քանի որ մարզպետի կողմից ձեռք է բերվել պայմանավորվածություն մթերող կազմակերպությունների հետ՝ ողջ արտադրանքը մթերելու վերաբերյալ: Ա. Այվազյանը իր խոսքում ընդգծեց նաև, որ ընթացիկ տարում նույնպես շարունակվելու են ՀՀ կառավարության կողմից գյուղատնտեսական աշխատանքների կազմակերպման նպատակով տրամադրվող աջակցության ծրագրերը, որոնց շրջանակում շուկայականից մատչելի գնով մարզին հատկացվել է 6000 տոննա ազոտական պարարտանյութ՝ 1 պարկը 6000 դրամով, 200 տոննա ֆոսֆորական և կալիումական պարարտանյութեր՝ 1 պարկը 7000 դրամով և 550 հազար լիտր դիզելային վառելանյութ՝ 1 լիտրը 280 դրամով: Գարնանացանի աշխատանքները խթանելու նպատակով մարզին հատկացվել է 80 տոննա գարնանացան գարու և 5 տոննա առվույտի սերմացու, որի պահանջարկը ձևավորվել է համայնքների կողմից ներկայացված հայտերի հիման վրա:

Օրակարգային երրորդ հարցի՝ ՀՀ Արմավիրի մարզի համայնքներում կատարվող աղբահանության աշխատանքների վերաբերյալ Ա. Այվազյանը նշեց, որ մարզպետի կողմից հաստատվել է մարզի վարչական տարածքի 2016 թվականի սանիտարական մաքրման սխեման՝ համաձայն որի, մարզի 97 համայնքներում իրականացվում է աղբահանման աշխատանքներ, որից 86 համայնքներ՝ իրենց վարչական տարածքում ունեն առանձնացված աղբավայրեր, իսկ 11 համայնքներում՝ աղբը տեղափոխում են այլ համայնքների վարչական տարածքում գտնվող աղբավայրեր: Աղբահանության

աշխատանքները համայնքերում իրականացվում են հիմնականում համայնքների բյուջեի միջոցների հաշվին: Ա.Այվազյանը փաստեց, որ բոլոր համայնքներում գտնվող աղբավայրերը ցանկապատված չեն՝ բացառությամբ Գեղակերտ համայնքի և առաջարկեց միջոցներ ձեռնարկել աղբավայրերի ցանկապատումը իրականացնելու նպատակով: Նա նշեց նաև, որ կատարված ուսումնասիրությունները փաստում են, որ համայնքներում սանիտարական վիճակը գտնվում է ոչ բարվոք վիճակում և առաջարկեց համայնքների ղեկավարներին իրավիճակը բարելավելու նպատակով անմիջական հսկողության տակ վերցնել համայնքի սանիտարական մաքրման սխեմայով նախատեսված աղբահանության աշխատանքների ժամանակացույցը և կատարվող աշխատանքների որակը, ինչպես նաև լայն բացառական աշխատանքներ տանել բնակչության հապկապես այն շրջանում, որպեսզի զերծ մնան կենցաղային աղբը ոռոգման մայր, միջտնիկային և ներտնիկային ցանցեր, ինչպես նաև համայնքային ճանապարհների եզրերը ներելուց և ըստ անհրաժեշտության՝ կրկնակի անգամ խախտում թույլ տված անձանց ենթարկել պատասխանատվության: Ա.Այվազյանը տեղեկացրեց նաև, որ փետրվարի 22-ից մարզպետի համապատասխան կարգադրությամբ ստեղծված մշտական գործող հանձնաժողովը ստուգայցեր է կազմակերպելու համայնքներում՝ ստուգելով սխեմայով նախատեսված աշխատանքների ընթացքը: Խախտումներ արձանագրելու դեպքում կազմվելու է արձանագրություն և ժամանակ է տրվելու այն վերացնելու համար, իսկ խախտումը կրկնվելու դեպքում համայնքի ղեկավարի գործունեությունը քննարկվելու է հանձնաժողովի նիստում:

Անդրադառնալով օրակարգային հարցին ՀՀ Արմավիրի մարզպետ Ա.Ղահրամանյանը առաջարկեց ԶՕԸ-ների տնօրեններին՝ աջակցել իրենց սպասարկման տարածքի ոռոգման ցանցերի մաքրման աշխատանքներին և միաժամանակ աշխատանքային կարգապահության կոչ արեց համայնքապետերին՝ վստահեցնելով, որ նրանց գործունեությունը շարունակելու է մնալ իր ամենօրյա ուշադրության կենտրոնում: Մարզպետն անդրադարձավ նաև մարզին հապկացվող պարարտանյութին և դիզ վառելիքին, նշելով որ դրանց անհրաժեշտ ձեռք բերման չափաքանակները համայնքների ղեկավարները ներկայացնեն նախօրոք և ըստ կարգի, ինչպես նաև մարեն նախկինում ձեռք բերած սերմացուների և պարարտանյութերի պարտքերը: Մարզպետ Ա.Ղահրամանյանը Արմավիրի և Էջմիածնի քաղաքային համայնքների ղեկավարներին հանձնեց Հայաստան Համահայկական Հիմնադրամի

կողմից փրված Ազգային փութքի վավերագրերը՝ շնորհակալություն հայտնելով նրանց հիմնադրամի ծրագրին ակտիվ մասնացություն ցուցաբերելու համար:

Օրակարգային հարցերի ու հայտարարությունների ավարտից հետո հանդես եկավ նաև ՀՀ ՏԿԱԻ նախարարության վարչական վերահսկողության բաժնի աշխատակից Արմեն Մարտիրոսյանը: Նա իր խոսքում փաստեց, որ ՀՀ Արմավիրի մարզում ակնառու են բազմաթիվ հաջողությունները, մի շարք ոլորտներում՝ ինչպիսիք են ՏԻՄ- երում վարչական հսկողության ճիշտ և սահմանված ձևաչափով իրականացվող գործընթացը, սեփական եկամուտների հավաքագրման արդյունքները և բազմաթիվ այլ առաջխաղացումներ, որոնք նույնպես շատ ողջունելի է և նշեց, որ ՏԿԱԻ նախարարությունը մշտապես պատրաստ է համագործակցելու և շարունակելու աշխատանք փանել հետագա հաջողությունների համար:

Օրակարգային հարցերի ու հայտարարությունների համապատասխանաբար քննարկման ու ամփոփման ավարտից հետո ՀՀ Արմավիրի մարզպետ Ա. Ղահրամանյանը մարզի խորհրդի նիստը հայտարարեց ավարտված:

ՄԱՐԶՊԵՏ՝

Ա. ՂԱՀՐԱՄԱՆՅԱՆ



Արձ.՝ Մ. Առուշանյան